

Radni sastanak sa predstavnicima Grada Zenice

30.07.2019 11:42



Radni sastanak u cilju formalizovanja saradnje i realizacije aktivnosti na polju uspostave Adresnog registra Grada Zenice, te na temu implementacije većeg broja projekata Federalne uprave u Gradu Zenici održan je 29.7.2019. godine. Na sastanku su učestvovali gosp. Fuad Kasumović gradonačelnik grada Zenice, sa svojim saradnicima, gosp. Željko Obradović direktor Federalne uprave i gđa Željka Kolobarić, koordinatorica radne grupe za uspostavu Adresnog registra u Federaciji BiH.

Predstavnici Grada upoznati su sa ugovornim obavezama i aktivnostima na projektu uspostave Adresnog registra a istaknute su i prednosti koje će donijeti uspostava Adresnog registra. Krajnji cilj CILAP projekta je uvođenje jedinstvenog sistema za vođenje Adresnog registra, čime bi dobili vođenje adresa na

jedinstven, funkcionalan i uređen način, sa prikupljanjem svih podataka u centralnu bazu, kao i aktivan rad na određivanju kućnih brojeva, naselja i ulica.

Nakon prezentacije aktivnosti na projektu uslijedilo je formalizovanje saradnje potpisivanjem Ugovora o zajedničkim obavezama pri uspostavi i održavanju podataka Adresnog registra, te Ugovora o saradnji na području dijeljenja podataka Adresnog registra. Također je istaknut značaj provedbe usaglašavanja podataka katastra i zemljišne knjige u okviru Projekta registracije nekretnina Federacije BiH, te aktivnosti Registra cijena nekretnina u okviru CILAP projekta.

Kao rezultat sastanka su dogovorene smjernice buduće saradnje na kojoj će se intenzivno raditi s obe strane.